



SYNIADAU I CCB

04/12/17





Gofalwch am Droseddeg, Peidiwch â'n cau ni allan

Gwnewch Droseddeg yn flaenoriaeth, nid yn lleiafrif

Manylion:

Ers 2016, newidiodd Adran y Gyfraith a Throseddeg ei henw i Ysgol y Gyfraith Aberystwyth. Gwnaed hyn heb unrhyw drafodaethau â myfyrwyr o ran sut bydden ni'n teimlo am hyn, a doedd y darlithwyr ond yn gwybod yr wythnos cyn i hyn ddigwydd. Ers hynny, rydyn ni wedi cynnal deiseb i gael hyn wedi'i newid yn ôl; mae hyn er mwyn y Troseddegwyr sy'n teimlo ein bod ni'n cael ein cau allan a'n gadael ar ôl, heb son am ein dewis gwael o fodiwlau oherwydd diffyg staffio. Yn y pen draw, ein haddysg ni sydd dan sylw, fell ni ddylai gael y gair olaf o ran pethau fel newid enw'r adran. Dylai UMAber lobïo Prifysgol Aberystwyth i ystyried yr opsiynau canlynol:

- Newid enw'r adran yn ôl i 'Adran y Gyfraith a Throseddeg'
- Cynnal ymgynghoriad ymysg myfyrwyr ynglŷn ag enw'r adran, a chaniatáu i'r myfyrwyr benderfynu.

Cyflawnwyd gan: Rhiannon Perrett

Dwi eisiau campfa ar y penwythnosau

Mae 1 ac 1 yn ddwy; mae angen oriau campfa hwy!

Manylion:

Mae'r Ganolfan Chwaraeon yn agored am oriau byrrach ar benwythnosau. Pe bai'r Ganolfan Chwaraeon ar agor am fwy o oriau ar benwythnosau, byddai'n gwella mynediad i fyfyrwyr ac yn darparu mwy o gyfleoedd i glybiau chwaraeon ymarfer. Dylai UMAber annog y Ganolfan Chwaraeon i newid ei oriau agor ar benwythnosau i fod yr un fath â dyddiau eraill yr wythnos, gan ddarparu gwasanaeth cyson dros 7 diwrnod.

Cyflawnwyd gan: Bruce Fraser Wight





Ymestyn Cyfnod Arholiadau yn Ionawr

Ymestyn y Cyfnod Arholiadau. Rhowch derfyn ar arholiadau ar ddiwrnodau dilynol. Rydyn ni am i bawb gael y marciau gorau posib.

Manylion:

Dwi ar hyn o bryd yn fyfyrwr mathemateg ar fy nhrydedd blwyddyn, gydag 6 arholiad yn Ionawr; mae'r cyfnod arholiadau rhwng 10 Ionawr a 23 Ionawr, gan nad oes bellach arholiadau ar ddydd Sadwrn. Rhaid i fyfyrwyr mathemateg fel fi sefyll nifer fawr o arholiadau mewn cyfnod byr.

Mae'r rhan fwyaf o'n harholiadau wedi'u pwysoli ar 100%, felly os ydyn ni'n cael diwrnod gwael ar ddiwrnod yr arholiad, gall hynny effeithio'n sylweddol ar farciau ein gradd.

Mae'r dyddiadau amodol ar gyfer amserlen yr arholiadau i fyfyrwyr mathemateg blwyddyn 3 wedi cael eu rhyddhau'n ddiweddar, ac mae problem o ran y dyddiadau. Mae'r dyddiadau hyn yn agos at ei gilydd, sy'n golygu y bydd straen di-angen arnom yn ystod cyfnod yr arholiadau, sy'n debygol o effeithio ar ein llesiant ar adeg mor bwysig.

Rydw i a myfyrwyr eraill yn wynebu 3 neu 4 arholiad ar ddiwrnodau dilynol; mae bod â chymaint â hyn o arholiadau mor agos at ei gilydd, i gyd wedi'u pwysoli ar 100%, yn gwneud cyflawni ein llawn botensial bron yn amhosib.

Dylai UMAber weithio gyda'r Brifysgol i sicrhau bod cyfnod yr arholiadau'n cael ei ymestyn, a bod y Brifysgol yn cadw at ei bolisi na chaiff arholiadau eu trefnu ddau ddiwrnod yn olynol, neu ddau ar yr un diwrnod, yn arbennig y rheiny wedi'u pwysoli ar 100% o fodiwl. Ni ddylai hyn effeithio ar y penderfyniad i beidio cynnal arholiadau ar ddydd Sadwrn.

Cyflawnwyd gan: Erica Donelly





Toiledau i Bawb

Cyflwyno toiledau rhywedd niwtral ar draws y campws, lle bo hynny'n bosib.

Manylion:

Mae toiledau rhywedd niwtral wedi bod yn llwyddiant hyd yma yn Undeb y Myfyrwyr, a gyda chynlluniau ar y gweill ar gyfer cynnwys toiledau rhywedd niwtral yn Lefel D newydd o Lyfrgell Hugh Owen, mae hwn yn gam sylweddol ymlaen; serch hynny mae cryn lawer o ffordd i fynd yn hyn o beth. Dylai'r Undeb annog y Brifysgol i sicrhau bod toiledau rhywedd niwtral yn cael eu cynnwys mewn adeiladau a phrosiectau newydd mae'r Brifysgol yn ymgymryd â nhw, a lle bo hynny'n bosib, dylid sefydlu'r rhain ar draws adeiladau cyfredol y Brifysgol. Dylid gwneud hyn pan fo cyllidebau a chyfyngiadau cynllunio'n caniatáu yn unig, gan fod rheoliadau'n nodi bod rhaid bod ag o leiaf un set o doiledau ar gyfer rhyweddau o fewn pob adeilad. Rhaid hefyd cymryd i ystyriaeth y ffaith bod toiledau i'r Anabl yn cael eu darparu ar gyfer y rheiny sydd ag anableddau, ac felly nid ydynt yn addas ar gyfer myfyrwyr sydd ddim yn cydymffurfio'n rhyweddol, sydd heb anableddau.

Ni fyddai hyn yn costio llawer i'r Brifysgol, gan nad yw ond yn golygu newid yr arwyddion i wneud y toiledau hyn yn gwbl hygyrch i fyfyrwyr oll. Er na fyddai newid o'r fath yn gwneud llawer o wahaniaeth i'r rhan fwyaf o boblogaeth y myfyrwyr, byddai o fudd sylweddol i'r rheiny sydd ddim yn cydymffurfio â rhyweddau deuaidd gwryw/benyw. Gan y byddai set o doiledau ar gyfer rhyweddau ym mhob adeilad, byddai'n caniatáu ar gyfer y rheiny sydd â rheswm i beidio defnyddio toiledau rhywedd niwtral, er enghraifft am resymau crefyddol neu bersonol, i barhau i ddefnyddio toiledau ar gyfer rhyweddau os ydynt yn dymuno gwneud hynny.

Cyflawnwyd gan: Samuel Smales

GwaithAber 15 awr

Newid y cap ar oriau gwaith yng nghytundebau GwaithAber er mwyn caniatáu i fyfyrwyr weithio'n hyblyg.

Manylion:

Dwi wedi derbyn llawer o adborth ynglŷn â chytundeb cyfredol GwaithAber, sy'n cyfyngu myfyrwyr i weithio 15 awr yr wythnos, sy'n golygu na all staff sy'n fyfyrwyr gael mwy o oriau o waith ar wythnosau pan fyddan nhw'n rhydd, ac ni allant gyflenwi shifftiau myfyrwyr eraill. Mae myfyrwyr yn aml ar gael am wahanol oriau o wythnos i wythnos. Dylai UMAber ofyn i'r corff perthnasol yn y Brifysgol i ymestyn y cyfyngiadau hyn, gan newid y cap i'r eithaf y gall myfyriwr ei weithio yn ystod y tymor. Golyga hyn nad yw'r uchafswm oriau y gall aelod staff sy'n fyfyriwr eu gweithio'n newid, ond mae'n caniatáu am fwy o hyblygrwydd o ran pa bryd gellir gweithio'r oriau hynny.

Cyflawnwyd gan: Bruce Fraser Wight





Polisi Dwyieithrwydd

Sicrhau bod UMABer yn gweithredu'n ddwyieithog ac yn cynnig cefnogaeth i fyfyrwyr Cymraeg eu hiaith.

Manylion:

Dylai UMABer weithredu'n ddwyieithog bob amser. Mae'r polisi dwyieithrwydd blaenorol wedi darfod ac mae angen un newydd yn ei le.

Dylai UMABer fabwysiadu'r Polisi Dwyieithrwydd arfaethedig.

Cyflawnwyd gan: Gwion Llwyd

Dydyn ni ddim yn fodlon goddef anghyfleuster BUCS!

Cytunodd y Brifysgol i ryddhau prynhawniau Mercher - beth am wneud hyn yn realiti er mwyn caniatáu i fyfyrwyr gystadlu yn BUCS.

Manylion:

Ffeithiau:

1. Mae gan y Brifysgol ar hyn o bryd bolisi sy'n datgan na ddylid trefnu darlithoedd na seminarau ar ôl 1pm ar brynhawniau Mercher.
2. Mae cytundeb llafar yn bodoli â'r Brifysgol sy'n caniatáu i fyfyrwyr fethu darlithoedd a seminarau er mwyn teithio i gemau oddi cartref BUCS.
3. Mae myfyrwyr yn cynrychioli'r Brifysgol ac Undeb y Myfyrwyr pan fyddant yn chwarae gemau BUCS, ac mae er budd y Brifysgol i ganiatáu myfyrwyr i barhau i gystadlu mewn gemau BUCS ac ennill.

Barn y Bobl:

1. Ar hyn o bryd, mae gofyn i fyfyrwyr fynychu digwyddiadau gorfodol ar brynhawniau Mercher, wedi'u hamserlennu gan y Brifysgol, sy'n mynd yn groes i'w polisiau nhw.
2. Nid yw myfyrwyr yn gallu teithio i gemau BUCS oherwydd digwyddiadau gorfodol neu ddarlithoedd/seminarau sydd ar yr amserlen.
3. Mae gemau BUCS yn hanfodol i brofiad myfyrwyr ym maes chwaraeon, ac mae'r weithred o gystadlu yn y gemau hyn yn perthyn yn uniongyrchol i strategaeth UMABer o roi'r dechrau gorau i fyfyrwyr.

Y Newidiadau:

1. Dylid recordio unrhyw ddarlithoedd ar ddydd Mercher ar panopto er mwyn caniatáu i fyfyrwyr sy'n methu'r darlithoedd hyn i ddal i fyny ar unrhyw wybodaeth maen nhw wedi'i gollu.
2. Ni ddylai darlithoedd a digwyddiadau ar ddydd Mercher, ar unrhyw amser, gyfrif tuag at radd derfynol y myfyriwr.
3. Dylid hysbysu darlithwyr a'r Brifysgol y gall myfyrwyr fethu darlithoedd er mwyn teithio i gemau BUCS, a dylai hyn fod yn seiliedig ar dystiolaeth gan Undeb y Myfyrwyr.

Cyflawnwyd gan: Jessica Williams

